



**DN. DVRANDI|| à Sancto Portiano, in Senten=||tias
Theologicas Petri Lombardi|| Commentariorum libri||
quatuor.||**

Durandus <de Sancto Porciano>

Antverpiæ, 1567

Quæstio quarta. Vtrum dolor contritionis debeat esse maximus.

[urn:nbn:de:hbz:466:1-72607](https://nbn-resolving.de/urn:nbn:de:hbz:466:1-72607)

Magistri Durandi de

AD primum arg. dicendum est q̄ remissio peccato-
rum magis est opus misericordiae & iustitiae, & ideo non
debet comparari iustitia que est in humanis, & nihilomi-
nis in illis princeps p̄enam mortis alicui debitam potest
toraliter relaxare, vel in aliam p̄enanam commutare.

7 Ad secundum dicendum quod satisfactio habet lo-
cum in penitente, tamen quia raro inuenitur aliquis ita
penitens, seu cōtritus cui torta pena dimittitur: tum quia
nemini potest constare de dimissione pena totalis per
contritionem, & ideo tenetur ad satisfactionem sibi im-
ponendam arbitrio sacerdotis.

QVÆSTIO QVARTA.

Vtrum dolor contritionis debet esse maximus.

Tho. 3. q. 84. ar. 8. C. 9.

P Ostea queritur de quantitate contritionis, & primò
vtrum dolor contritionis debet esse maximus: & se-
cundo vtrum verè contritus debeat potius eligere sustine-
re penam inferni, vel omnino non esse quām cōmittere
peccatum mortale. Ad pri. sic proceditur. Et arguitur q̄
dolor contritionis non debet esse maximus, quia qua-
ritas effectus indicat quantitatē cause, sed lachrymæ sum-
effectus doloris, ergo quantitas lachrymarū quantitatē
doloris indicat: sed contritus quandoque non tantum la-
chrymatur pro pecata sicut pro morte amici, vel pro læ-
sione aliqua corporali, ergo &c.

2 Item dolor qui habet aliquid de admisitione gaudii
non est maximus dolor, sed dolor contritionis est huius
modi, dicente Aug. peccator semper dolet, & de dolore
gaudet, ergo non est maximus dolor.

3 IN contrarium arguitur sic: quia dolor est de ma-
lo, ergo de maiori malo debet esse maior dolor, sed pecca-
tum est magis malum quā quocunq; temporale damnum,
ergo dolor contritionis qui est de peccato contrito debet
esse maior quocunq; alio dolore.

4 R E S P O N S I O . Sicut pater ex præ. quest. dolor
contritionis est duplex. Vetus qui est dispernit voluntatis,
in quo essentialiter contrito consistit. Alius qui est dolor
sensitivæ partis, qui sequitur ad contritionem. Loquendo
autem de dolore contritionis, qui est dispernit voluntatis:
dicendū est quod iste dolor potest comparari, vel ad
dolorem qui habetur de rebus aliis: vel potest comparari
dolor contritionis de uno peccato ad dolorem contritionis
de alio: si dolor contritionis comparatur ad dolorem
qui est de rebus aliis, dicendum est q̄ debet esse maior eis.
Cuius ratio est, quia secundum Aug. Omnis dolor in amo-
re fundatur: ex hoc enim q̄ aliquid amamus, dolerem de
amisitione eius. Ex quo potest sic argui: secundū quantita-
tem amoris debet esse quantitas doloris in amore chari-
tatis. Ex hoc enim dolerem de peccato cōmisso, quia sepa-
rat nos à deo cui coniungimur per charitatem, ergo cuī
charitas ad. Deum debet excellere omnem alium amo-
rem, dicente domino: Qui amat patrem vel matrem plus
quam me, non est mihi dignus: relinquitor igitur quod dolor
contritionis de peccato debeat excellere omnē alium
dolorem, nullus tamen contritus tenetur apud se facere
hanc comparationem cogitando, an plus dolet de pecca-
to commissio quam si pater suus fuisset mortuus, si tamen
faciat, tenetur ex electione voluntatis plus detestari pec-
catum commissum quam quocunque aliud damnum.

5 Si autem dolor contritionis de uno peccato compa-
retur ad dolorem contritionis de alio, sic non quilibet do-
lor contritionis debet esse maximus, sed sicut unum pec-
catum est grauius altero, ita dolor vnius contritionis de-
bet esse major dolore contritionis alterius: quoniam enim
omnia peccata mortalia sunt aequā grauia, in quantum pri-
uant gratiam: quedam tamen sunt alicui grauiora inquan-
tum merentur penam ampliorem.

6 Si autem loquamur de dolore qui est passio sensitivæ
partis & sequitur ad contritionem, sic dicendum, quod talis
dolor quandoq; non potest esse maximus, & si posset non
debet. Quod quandoq; non posset esse maximus pater:
qui vnumquodq; faciliter mouetur a proprio motore q̄
ab extraneo, sed cum vires sensitivæ mouentur a propriis
objectis mouentur a propriis motoribus, quando autem
mouentur ex redundantia virium superioriā mouentur
quasi ex extraneis, ergo faciliter mouentur vires sensitivæ

Sancto Porciano

à propriis objectis ad dolore, fletum & huiusmodi, quām
mouentur ex imperio voluntatis: & pari ratione quan-
do vires inferiores mouentur à superioribus facultus mo-
uentur quando ratio deliberat de corporalibus q̄ quando
deliberat de spiritualibus propter maiorē propinquitatē
ad obiecta earum. Si etiā talis dolor posset esse maximus,
non tamē debet. Cuius ratio est, quia omnis actus à vir-
tute imperatis debet habere mensurā vt non excedat re-
strictitudinem rationis, nec deficit, sed fletus quem cōtritus
in seipso excitat est actus imperatis virtute penitentia,
ergo non debet excedere mēluram rationis: mensura au-
tem omnium actuum corporalium sumitur in compara-
tione ad conseruationem subiecti. Et ideo tristitia vel fles-
tus si sit tantus quod subiectum corrumptur vel notabili
liter prostratur est irrationabilis & indebitus: contra
quod dicit Apostolus Rom. 12. rationabile sit obsequium
vestrum, dolor igitur sensitivæ partis qui sequitur contri-
tionem non debet esse maximus, sed moderatus.

7 AD primum argu. dicendum quod lachrymae sunt
per se & immediate effectus tristitia vel doloris sensibilis:
& ideo demonstrant talem dolorem sicut effectus demō:
strat caſam. Ita quod ceteris partibus ad maiorem dolor
rem sequitur maior fletus, & ad minorem minor, sed la-
chryma non sunt per se & immediate effectus discipline
voluntatis, in qua cōsistit dolor contritionis essentialiter,
sed consequitur ad ipsum prout vires inferiores mouen-
tur ex redundantia superiorum, quod non sit ita efficac-
ter sicut quando mouetur à propriis objectis, (vt dictum
fuit prius) facultus etiam mouentur ex redundantia supe-
riorum, quando ratio deliberat de corporalibus, quām
quando deliberat de spiritualibus propter caſam prius
assignaram, propter quod pluralitas, vel paucitas lachry-
marum non est sufficiens argumentum maioris vel mi-
noris dispernit voluntatis. Quām quandoque homo
flet inuitus, & quandoque non posset fieri volens.

8 Ad secundum dicendum quod bene inuenitur ma-
ior dispernit voluntatis, quām sit dolor contritionis
sicut est dolor desperantis, qui nullam habet commissam
confolationem venia, sicut dolor contritionis habet, sed ille dolor est indebitus. Nos autem non querimus virum
posit esse maior dolor quām contritionis, sed virum de-
beat esse aliquis maior dolor secundum iudicium recte-
rationis. Nec huic obstat quod dolori contritionis admis-
sum est gaudium, quia nullus alias dolor qui sit secun-
dum rectam rationem (etiam si sit sine admisitione gau-
dii) potest ei æquiparari, sicut fortissimo vino modicissi-
ma aqua mixta nullum debile vinum etiam purum potest
æquiparari in fortitudine. Quod autem dicunt aliqui
quod gaudium admissum dolori contritionis est maxi-
mum, quia concipiatur ex spe venie, nec minutus dolorem
contritionis, sed potius auger, fruorū est, quia spes ve-
nia habet admisum timorem, quām nullus possit esse
certus devenia; & sicut spes causat gaudium, sic timor mi-
nuit ipsum, & ideo non potest esse maximum gaudium,
ut isti dicunt. Quod autem illud gaudium non minutus
dolorem contritionis, omnino fallum est: quia secundum
Philosophum, gaudium, oppositum tristitia tollit eam,
si vero non sit oppositum sed concurrens vel contingens,
minuit eam.

QVÆSTIO QVINTA.

Vtrum verè contritus plus debet eligere penam in-
fernī, an omnino non esse quām peccare.

Vide Caprolam in 4. d. 17. q. 1. contra teriam conclusiōnem:

et in 2. d. 28. contra quintam conclusiōnem.

A D secundum sic proceditur, & arguitur sic, quod vē
rē contritus plus debet eligere penam inferni, an
omnino nō esse quām peccare: quia melius est omnia ma-
la pati, quām malo consentire, sed sustinere penam infer-
ni, vel omnino non esse, est mala pati, peccare vērē est nō
solū malo cōsentire, mō malum facere, ergo melius est
& magis eligendum pati penam inferni, vel omnino non
esse quām peccare.

9 Item non minus debet aliquis eligere penā inferni,
vel omnino nō esse ad vitandum culpam si esset necessa-
ria ad eam vitandam, quām debet fortis eligere mori ad
vitandum culpam opositam fortitudini, sed secundum
ratio